

仁和縣誌
(康熙)
二

仁和縣志卷八

湖廣江陵縣知縣致仕仁和沈朝宣纂著

名宦

名非君子之所尙也然實至而名生焉又非君子之所可逃也若使違道以干百姓之譽吾知名雖釣于目前毀將叢于身後又豈君子之所欲哉自古宦游所至有恩易以感有虐易以怨計其歷年之久感者無幾而怨者亦無幾逮其後也德厚流芳怨深遺臭春秋書善以示褒書惡以示貶茲乃獨舉名宦其曷故耶蓋以惡政人心之所厭聞亦

不當與善人並列是亦君子與人爲善之意也嘗觀何武仕漢所居無赫赫名而去後嘗見思斯則所謂真名宦矣仁和自宋太平興國三年建邑至今五百餘年仕干其邑者雖未聯芬迭苾而亦間有如何武之見思者爲是乃志名宦

縣令

附丞并司教
秦置郡縣

有令有丞元改令爲尹唐以後

又置主簿置尉職捕盜至

皇明置知縣縣丞主簿幕置典吏

宋

梅詢字堯臣爲仁和令有詩名嘗作武林山十詠

詩刻石于冷泉亭上

按宋史列傳梅詢字昌言宣州宣城人進士及第爲利豐鹽判官後以祕書省著作佐郎御史臺推勘官預考進士于崇政殿眞宗過殿廬奇其占對詳敏召試中書院集賢院後以擢黜不一卒至貴顯並不見其合仁和不知府志何以如上所云

關魯天聖明道閒爲仁和令按府志人物門止云以進士起家盡力于官厯守池台兩州爲尙書郎年八十歸老錢塘陳襄作鴻飛詩以送之並無字亦不知何許人及攷宋史列傳併其名亦不見不知府志何以云云

鞠詠淳化閒爲仁和令郡守王化基入朝首以詠

荐按宋史列傳詠字詠之開封人舉進士試祕書省校書郎知錢塘縣改著作郎知山陰縣官至戶部副郎並無合仁和之事不知府志何以云云

孫廷直紹興三年爲仁和令嘗徙縣治于招賢坊陳輦簡齋之孫淳熙十一年爲仁和令以能稱嘗作無倦堂倪文節公思撰記又作安敬堂喬魯公行簡撰記

俞獻卿歙州人眞宗時嘗爲仁和令兼知州事一日暴風江潮決堤勢不可禦獻卿取西山石作

堤數十里民用便之賜詔獎諭明年擢爲給事

中

元

賈策字洽安其先開封人至元中爲仁和尹有能
名且善歌詩

皇明

韶護陝西岐山縣人洪武三十一年仕仁和縣知
縣居官能幹爲政不苛獄無畱滯吏民畏而敬
之

許璞陝西鳳翔縣人發解舉首授文學官正統六

年荐陞仁和縣知縣公平廉慎輕賦薄斂民懷其德卒于官貧不能斂民爭賻之仍爲木主立于本縣土神祠祀之

洪禮河南考城縣人洪武三十一年任仁和縣縣丞律已公勤處事詳謹吏不敢欺鄉民樂業

教諭聶大年號東軒江西臨川人正統初以明經荐授仁和訓導持身端方和易不苟士子有貧不能自存者捐俸周之不久丁內艱去任服闋改授常州府訓導景泰元年陞仁和教諭由是教思益宏大有成就士有禮遺未嘗峻絕時出

周急素長詩文且善書一時聲譽歸重震動二
司優以賓禮未幾荐入翰林預修元史卒于京
邸有東軒集行于世遭時不偶未獲從祀名宦
李璧字白夫廣西武緣人弘治八年領鄉薦亞魁
初授蘭谿教諭以內艱起復改仁和教諭其爲
人不惟學識優饒而且操持剛介居官不苟取
予士子中有貧不能養生送死者出俸資之至
於學宮文物有廢缺者奮然修舉煥然一新其
立教必情法兩盡寬猛得宜士至于今思之秩
滿考最擢四川劍州知州轉南京戶部員外病

卒嘉靖 年迎祀名宦祠

訓導高弘仁字惠周廣東順德縣人正德九年履任士子初進謁也但見衣冠質樸動止端莊及叩起居則約略言之餽以禮儀從容辭曰吾爲是官竊懼尸素奚敢復受此以增愧耶士子曰官卑祿薄舍是曷以給薪菜再三進之姑收置几上若有赧顏其有窘不能者則禮待如一初不見其炎涼逮其久也雖歲時禮儀廩增幫補與夫進學常規悉聽其自盡察貧甚者反之居常與士子閒議論動則曰英才濟濟吾何啟迪

徒增忸怩而已與僚友相處怡怡如也未嘗爲
纖毫微利以動忿容厯俸七年擢廣昌王府教
授去之日士皆遙送有泣下者嗚呼爲是官者
多以家窘年衰官卑祿薄雖處禮義相先之地
常懷子孫不給之憂是以較短量長鮮廉寡恥
往往得罪于名教其視高公相去何止什百也
哉後遇彼之鄉士大夫語及此公咸云此公家
甚貧頗有氣節予益詔公居官雖無過人之行
而其守素養高足以激貪起懦以故列諸名宦
後云

科貢

嘗謂天生一世之才自足充一世之用而況東南
名地獨有關於人才者乎自古聖帝明王知世不
乏才由是乃有鄉舉里選之法而人才亦應期而
出奈何秦廢井田而選舉之法亦廢所以二世而
亡漢取人以策而孝廉賢良郡國亦得自舉緣自
治亦近古唐取人以賦已不逮漢宋則兼詞賦而
益之以論人才顧亦輩出何哉蓋有德者必有言
而有言者不必有德究之亦非良法也洪惟

國初百凡官司咸取足于歲貢始及科第二途雖異

而其閒或有行檢不修至虧倫理則又擯斥不用
治久法詳美才迭出其中雖未免魚目蟹珠而拔
十望五止得二三亦無損于盛治仁和世推雄邑
而人才之生日盛一日權衡人物者恒爲洗目爲
此乃志科貢

進士

宋

乾道二年

南朝英

五年

寶慶二年

邢淙
上舍
甲科

紹定二年

王拯

祝宗道

八年

沈一蜚

李端臣

五年

王堂

俞桂

淳熙五年

端平二年

葉可行

朱士麟

八年

湯厚之

姚汝龍

嘉熙二年

陳宗訓

倪垕

鄭平

楊翼

十一年

清
祐二年

葉時
甲第

郭景儀

俞建
甲第

馮資福

十四年

七年

曹溥

陳南仲

紹
熙元年

姚元龍

翁萬里

俞一旗

四年

袁孚

慶
元年

俞崇

戴經

吳衍

嘉泰二年

开春

嘉元元年

魯至道

四年

聞人近

七年

薛興祖

十年

俞巖

十六年

陳逢榮

葉德新

蔡榮

元缺

皇明

洪武四年辛亥科

成化八年壬辰科